



Broj: 01/1-02-2452/15
Ilijaš, 30.09.2015. godine

Z A P I S N I K

sa 33. (tridesetreće) sjednice Općinskog vijeća Ilijaš, održane dana 30.09.2015. godine, sa početkom u 10h.

Tridesetttrećom sjednicom OV-a Ilijaš predsjedavao je predsjedavajući Općinskog vijeća Ilijaš g-din Damir Filipović.

Prisutni vijećnici:

RB.	IME I PREZIME
SDA	
1	MAHIR DEVIĆ
2	NEDIM MATORUGA
3	SAUDIN DURMIĆ
4	HALID DIZDAREVIĆ
5	MUAMERA MASNOPITA
6	MUAMER DERVIŠEVIĆ
7	FAHIR HASANOVIĆ
8	RASIM ŠEHIĆ
9	SELMA PUŠINA
SDP	
10	ALAN ŠERAK
11	MARIONETA ILIĆ-JURETA
12	DAMIR FILIPOVIĆ
13	SELVER HERIĆ
SBB	
14	ADEM EFENDIĆ
15	NIJAZ MAŠIĆ
16	SEAD ŠEHIĆ
17	-
SAMOSTALNI VIJEĆNICI	
18	EDHEM HASANOVIĆ
19	-
20	NIHAD BUČUK
21	ENES DIZDAREVIĆ
STRANKA ZA SREDNJE	
22	-
23	AIDA MALIŠEVIĆ

	LDS
24	NIJAZ RASTODER
	BPS
25	MUHAMED HANDŽIĆ

Odsutni vijećnici:

1. Akif Bešlija
2. Asim Mujić i
3. Besim Gljiva

Prisutni gosti:

1. Nermina Durić-Kahvedžić - Radio Ilijaš
2. RTV Vogošća
3. Mirsad Hamzić – predsjednik Savjeta MZ Malešići
4. Alen Matoruga – predsjednik Savjeta MZ Misoča
5. Elmin Brkić – predsjednik Savjeta MZ Luka
6. Meho Tabaković – predsjednik Savjeta MZ Ljubina
7. Mehmed Smajlović – predsjednik Savjeta MZ Mrakovo
8. Armin Matoruga – predsjednik Savjeta MZ Stari Ilijaš
9. Almir Špiodić – predsjednik Savjeta MZ Podlugovi
10. Midhat Čeho – koordinator za poslove sa mjesnim zajednicama
11. Amar Dovadžija – poslanik u Skupštini Kantona Sarajevo

Ostali prisutni:

1. Zdravko Barić – pomoćnik načelnika
2. Nijaz Spahić – pomoćnik načelnika
3. Merima Osmanović – pomoćnik načelnika
4. Alma Imamović – pomoćnik načelnika
5. Sanja Zagorac-Jozić – pomoćnik načelnika
6. Mersa Zeković – stručni saradnik u oblasti prostornog planiranja i urbanizma
7. Hamida Muratović – šef Odsjeka za imovinsko-pravne poslove
8. Ilda Kahrman – sekretar OV-a Ilijaš
9. Adha Masnopita – stručni saradnik u Službi za društvene djelatnosti
10. Maida Habibović – zapisničar.

Predsjedavajući je otvorio sjednicu i konstatovao da postoji kvorum za odlučivanje.

Pročitao je predloženi dnevni red i dao na razmatranje zapisnik sa prethodne sjednice Općinskog vijeća Ilijaš.

Primjedbi na zapisnik nije bilo, pa je Općinsko vijeće jednoglasno usvojilo zapisnik sa 32.sjednice.

Zatim je dao na razmatranje predloženi dnevni red.

Primjedbi na predloženi dnevni red nije bilo, pa je Općinsko vijeće Ilijaš jednoglasno usvojilo slijedeći

DNEVNI RED

1. Vijećnička pitanja i inicijative
2. Izvještaj o realizaciji zaključaka sa 32. sjednice
3. Izvještaj o izvršenju Budžeta Općine Ilijaš za period 01.01.-30.06.2015. godine
4. Prijedlog Odluke o izmjenama i dopunama Pravilnika o stipendiranju učenika i studenata u stanju socijalne potrebe

5. Prijedlog Odluke o izmjenama i dopunama Pravilnika o stipendiranju i nagrađivanju izuzetno nadarenih učenika i studenata
6. Prijedlog Plana stipendiranja učenika u srednjem i studenata u visokoškolskom obrazovanju u stanju socijalne potrebe u školskoj 2015/2016. godini
7. Prijedlog Plana stipendiranja izuzetno nadarenih učenika u srednjem i studenata u visokoškolskom obrazovanju u školskoj 2015/2016. godini
8. Prijedlog Odluke o:
 - a) razrješenju člana Općinske izborne komisije Ilijaš – Velid Fazlić
 - b) razrješenju člana Općinske izborne komisije Ilijaš – Momčilo Kojić
9. Prijedlog Odluke o raspisivanju javnog oglasa za imenovanje 2 (dva) člana Općinske izborne komisije Ilijaš
10. Prijedlog Odluke o davanju saglasnosti na Memorandum i Aneks Memoranduma o razumijevanju s ciljem podrške radu ustanova kulture od općeg značaja i interesa za Bosnu i Hercegovinu, za period 2016-2018. godina
11. Prijedlog Odluke o izmjeni i dopuni Odluke o odbravanju i isplati sredstava na ime troškova prevoza djece sa posebnim potrebama
12. Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.1880/44 K.O. SP_Podgora)
13. Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.228/65 K.O. SP_Podgora)
14. Prijedlog Odluke o načinu i uslovima prodaje neizgrađenog građevinskog zemljišta (k.č.br.217/2 i k.č.br.217/14 K.O. SP_Višnjica)
15. Prijedlog rješenja o:
 - a) razrješenju člana, a time i predsjednika Komisije za mlade i obrazovanje
 - b) izboru člana, a time i predsjednika Komisije za mlade i obrazovanje
 - c) razrješenju člana, a time i zamjenika predsjednika Etičke komisije
 - d) izboru člana, a time i zamjenika predsjednika Etičke komisije
16. Prijedlog rješenja iz imovinsko-pravne oblasti:
 - a) rješenje broj:06/1-31-1490/15
 - b) rješenje broj:06/1-31-1618/15
 - c) rješenje broj:06/1-31-4095/14
 - d) rješenje broj:06/1-31-543/11
 - e) rješenje broj:06/1-31-1619/15
17. Izvještaj o:
 - a) radu Komisije za poslove mjesnih zajednica i saradnju sa drugim općinama i gradovima OV-a Ilijaš, vezan za obilazak Savjeta MZ-a Općine Ilijaš i
 - b) radu Savjeta mjesnih zajednica Općine Ilijaš od preuzimanja mandata pa nadalje.

AD-1

Vijećnička pitanja i inicijative

MUHAMED HANDŽIĆ – vijećnik BPS-Sefer Halilović

Nisam dobio odgovor na postavljena pitanja sa prethodne sjednice Općinskog vijeća i zamolit ću Stručnu službu općinskog vijeća i općinskog načelnika da ista dostave nadležnim službama ako to nisu uradili. Od službi tražim da dostave odgovore, ma kakvi bili.

Pitanja:

1. Kakva je svrha obilaska mjesnih zajednica od strane Komisije za poslove mjesnih zajednica i saradnju sa drugim općinama i gradovima u proteklom mjesecu, ako mi

dan danas ovdje nemamo izvještaj te iste Komisije o stanju i radu Savjeta mjesnih zajednica koje su bile predmet obilaska?

2. Da li je spojiva funkcija predsjednika Komisije za poslove mjesnih zajednica i saradnju sa drugim općinama i gradovima i predsjednika Savjeta mjesne zajednice, u ovom slučaju radi se o predsjedniku Savjeta mjesne zajednice Mrakovo koji je ujedno i predsjednik Komisije za poslove mjesnih zajednica i saradnju sa drugim općinama i gradovima Općinskog vijeća Ilijaš?
3. Zašto nije ispoštovana Odluka Općinskog vijeća Ilijaš koja se odnosi na nespojivost funkcije općinskog vijećnika i funkcije predsjednika Savjeta mjesne zajednice, u ovom slučaju radi se o predsjedniku Savjeta mjesne zajednice Gajevi?

DAMIR FILIPOVIĆ – predsjedavajući OV-a

Sva vijećnička pitanja i inicijative su dostavljena nadležnim službama, što su iste potvrdile svojim potpisom.

HALID DIZDAREVIĆ – vijećnik SDA

Inicijativa:

1. Na inicijativu građana MZ Ilijaš Grad u ul. Hašima Spahića od broja 10-34 "Šipad", a u vezi prelaznih šahtova-rešetki, koje su jednim dijelom prije par godina otuđeni od još nepoznatih lica, a najveći problem se stvara zato što su začepjeni šutom, odnosno pijeskom koji se nanese prilikom padavina sa Karašnice i zbog same prebukiranosti ne može da primi vodu i tako se pravi jedno jezero ispred navedenih zgrada, a poslije padanja kiše ostaju velike količine blata i šuta. Od odgovorne firme koja pripada ovom reonu i koja je na održavanju tražimo da u što kraćem roku iznađu rješenje i postave odgovarajuće rešetke i očiste pomenute šahtove, a kako bi izbjegli nadolazećim padavinama još veće negativne posljedice kako povreda tako i neugodnog mirisa koji dolazi iz tih otvora, jer se nalaze pod samim prozorima navedenih zgrada.

NIJAZ RASTODER -vijećnik LDS-a

Pitanja:

1. Da li pijaca koja se nalazi pored Tržnog centra "Bingo" ima dozvolu za rad od nadležnih kantonalnih organa?
2. Da li se vrši naplata za tezge koje se subotom nalaze na privatnom parkingu Tržnog centra "Bingo" i ko to vrši?
3. Da li dolazi do fuzije placeva na Karašnici u odnosu na prvobitni plan i ako dolazi da li se time zadire direktno u Budžet Općine Ilijaš izbjegavanjem plaćanja renti itd.?
4. O kakvim se aparatima radi vezano za rentgen u Domu zdravlja u Vogošći i ultrazvuku u Ilijašu? Građani smatraju da ovi aparati nisu u stanju da otkriju nikakvu bolest i ako se radi o vidljivo bolesnim ljudima. Ovo o čemu govorim možemo potkrijepiti materijalnim dokazima. Građani dobiju uredan nalaz u Vogošći ili Ilijašu, a u Sarajevu se pokaže da čovjek ima karcinom na plućima veličine ploda jabuke. Ovo pitanje proslijediti JU "Domovi zdravlja Kantona Sarajevo".
5. U Domu zdravlja u Ilijašu trenutno fale dva stomatologa. Zašto se ne zaposli neko sa biroa, jer mi trenutno imamo stomatologa koji je šest godina na birou? Ovo pitanje proslijediti JU "Domovi zdravlja Kantona Sarajevo".

Inicijativa:

1. Pokrećem inicijativu da se riješi problem oborinskih voda u Kakanjskoj ulici koje nanose ogromne štete stanarima te ulice, kao i stanarima na Banovcu u zgradama koje se nalaze odmah uz cestu ka Mrakovu, a prije Tržnog centra "Bingo". Stanari ovih zgrada su u više navrata pokušavali da razgovaraju sa nadležnim općinskim organima, ali nije bilo razumijevanja od strane nadležnih organa općine. Problem je nastao prilikom rekonstrukcije Kakanjske ulice i ceste prema Mrakovu.
2. Pokrećem inicijativu da se nabave nove pumpe za vodovod u Gornjim Malešićima, jer trenutno imamo cca 200 m suhe cijevi, a postojeće pumpe nemaju kapaciteta da ispumpaju vodu do kraja vodovodne mreže.

AD-2

Izveštaj o realizaciji zaključaka sa 32. sjednice

Diskutanata po ovoj tački dnevnog reda nije bilo, pa je OV-e jednoglasno usvojilo

Izveštaj o realizaciji zaključaka sa 32. sjednice

AD-3

Izveštaj o izvršenju Budžeta Općine Ilijaš za period 01.01.-30.06.2015. godine

MERIMA OSMANOVIĆ – pomoćnica načelnika za privredu, finansije i investicije

U izvještajnom periodu 01.01.-30.06.2015. godine Budžet općine Ilijaš je ostvario 4.050.356,00 KM prihoda, što predstavlja 45% od planiranih prihoda u Budžetu za 2015. godinu. Sa druge strane, ostvareni su izdaci u iznosu od 3.957.576,00 KM, što predstavlja 44% od planiranih izdataka u Budžetu za 2015. godinu. Prema tome ostvaren je suficit u navedenom periodu iznosu od 92.780,00 KM. U izvještajnom periodu zabilježen je zadovoljavajući priliv prihoda u Budžet što je omogućilo redovno servisiranje svih obaveza utvrđenih Budžetom za 2015. godinu.

Porezni prihodi u izvještajnom periodu u odnosu na planiranu veličinu na godišnjem nivou su ostvareni u procentu od 51%. U ukupnoj strukturi ovih prihoda najveći prihodi su ostvareni po osnovu poreza na imovinu kao i porez na promet nepokretnosti i prava i prihodi od indirektnog oporezivanja koji pripadaju jedinicama lokalne samouprave.

Kada se tiče neporeznih prihoda, ostvareni su u procentu od 71% u odnosu na plan ili 1.102.687,00 KM. U ukupnoj strukturi ovih prihoda najveći prihodi su ostvareni po osnovu komunalne takse, administrativne takse, ostale prihode od imovine, te prihodi po osnovu naknada za izgradnju i uređenje građevinskog zemljišta.

Ostvarenje prihoda je na nivou u odnosu na planirane veličine i kad su u pitanju prihodi po osnovu tekućeg granta za posebne namjene od Kantona Sarajevo koji bilježe ostvarenje od 35%. U strukturi ovih prihoda, prihodi po osnovu redovnih tekućih transfera kantona je ostvaren u iznosu od 200.000, 00 KM. te prihodi po osnovu transfera posebne namjene u iznosu od 515.319,00 KM. U strukturi ovih namjenskih prihoda evidentirani su prihodi i to: prihodi od Ministarstva za boračka pitanja za boračku populaciju po osnovu Zakona o dopunskim pravima boraca u iznosu od 185.033,00 KM, prihodi od Ministarstva obrazovanja Kantona Sarajevo u iznosu od 224.710,00 KM, a odnose se na subvencioniranje prevoza učenika osnovnih i srednjih škola, prihodi od Ministarstva prostornog uređenja za kanalizaciju Kadarići u iznosu od 74.152,00 KM i Ministarstva privrede za uređenje korita rijeke Misoče u iznosu 31.424 KM.

Kapitalni primici od prodaje zemljišta ostvareni su u iznosu od 18 % u odnosu na plan

odnosno 144.429,00 KM.

Kada se tiče rashodovne strane Bruto plaće i naknade uposlenim izvršene su u iznosu od 823.058,00 KM i predstavlja 48% planiranih sredstava na godišnjem nivou.

Sredstva za bruto plaće ostvarena su u procentu od 48% od planiranih sredstava na godišnjem nivou, dok su sredstva za naknada uposlenim ostvarena u procentu od 52%, Doprinosi poslodavca ostvareni su na nivou planiranih sredstava na godišnjem nivou.

Izdaci za materijal i usluge izvršeni su u iznosu od 404.609,00 KM što je 43% planiranih sredstava na godišnjem nivou. Struktura ove grupe izdataka je analitički prikazana u "posebnom dijelu" Informacije, te je nećemo posebno obrazlagati.

Kada se tiče pozicije tekući transferi, evidentirani su izdaci u iznosu od 1.000.508,00 KM što procentualno iznosi 47% od planiranih izdataka ove vrste na godišnjem nivou, a u odnosu na isti period prošle godine je više za 17%. U obrazloženju Informacije detaljno su obrazloženi izdaci za udruženja građana u izvještajnom periodu, i ovim putem ih nećemo pojedinačno iznositi.

Kapitalni transferi i izdaci su ostvareni u iznosu od 1.621.812,00 KM što je 41% od planiranog godišnjeg iznosa. U obrazloženju Budžeta detaljno je data analitička struktura ovih izdataka i nisu predmet posebnog obrazlaganja.

Sredstva Budžetske rezerve u izvještajnom periodu iznose 21.388,00 KM kao pomoć općini Vareš za zimsko održavanje puteva, evidentirane pomoći za rješavanje stambenih pitanja i kao pomoći za liječenje.

Diskutanata po ovoj tački dnevnog reda više nije bilo, pa je OV-e jednoglasno usvojilo

Izvještaj o izvršenju Budžeta Općine Ilijaš za period 01.01.-30.06.2015. godine

AD-4

Prijedlog Odluke o izmjenama i dopunama Pravilnika o stipendiranju učenika i studenata u stanju socijalne potrebe

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o izmjenama i dopunama Pravilnika o stipendiranju učenika i studenata u stanju socijalne potrebe

AD-5

Prijedlog Odluke o izmjenama i dopunama Pravilnika o stipendiranju i nagrađivanju izuzetno nadarenih učenika i studenata

DAMIR FILIPOVIĆ – predsjedavajući

Naglasio je da je predlagač uložio amandman koji je sastavni dio ove Odluke.

Amandman:

Član 1.

U pravilniku o stipendiranju i nagrađivanju izuzetno nadarenih učenika i studenata, ("Službene novine Kantona Sarajevo", broj:18/10 i 10/13), član 2. se mijenja i isti glasi:

"Pravo učešća na konkurs za stipendiranje imaju izuzetno nadareni učenici i studenti koji nisu obnavljali godinu, a koji su u prethodnoj školskoj godini imali uspjeh u školi odnosno

fakultetu i to:

- učenici srednjih škola sa najmanjom prosječnom ocjenom 4,80
- redovni studenti visokoškolskih ustanova sa prosjekom ocjena od najmanje 8,0 za fakultete iz grupacije društvenih nauka (Ekonomski fakultet; Fakultet za kriminalistiku, kriminologiju i sigurnosne studije; Fakultet političkih nauka; Pravni fakultet; Fakultet za javnu upravu), grupacije humanističkih nauka (Fakultet sporta i tjelesnog odgoja; Filozofski fakultet; Pedagoški fakultet; Fakultet islamskih nauka; Katolički bogoslovni fakultet), grupacije umjetnosti (Akademija likovnih umjetnosti; Akademija scenskih umjetnosti; Muzička akademija). Prosjek ocjena od najmanje 7,50 za studente fakulteta iz grupacije prirodno-matematičkih nauka (Prirodno-matematički fakultet – odsjeci za matematiku, fiziku, biologiju, hemiju, geografiju).

Pravo učešća na konkursu za stipendiranje imaju studenti koji nisu obavljali godinu, a pohađaju fakultete Univerziteta u Sarajevu iz grupacije medicinskih nauka (Fakultet zdravstvenih nauka; Farmaceutski fakultet; Medicinski fakultet; Stomatološki fakultet; Veterinarski fakultet), grupacije tehničkih nauka (Arhitektonski fakultet; Elektrotehnički fakultet; Fakultet za saobraćaj i komunikacije; Građevinski fakultet; Mašinski fakultet) i grupacije biotehničkih nauka (Poljoprivredno-prehrambeni fakultet; Šumarski fakultet), bez obzira na ostvareni prosjek ocjena iz prethodne akademske godine".

Član 5.

U članu 16. mijenja se stav 1. i isti glasi:

"Novčanom nagradom do 300,00 KM nagradit će se najuspješniji diplomant i magistrant-nosilac priznanja "Zlatna značka Univerziteta u Sarajevu".

Dodaje se stav 2. koji glasi:

"Novčanom nagradom do 150,00 KM nagradit će se diplomat i magistrant-nosilac priznanja "Srebrna značka Univerziteta u Sarajevu".

Obrazloženje:

Navedeni amandmani su zbog napravljene greške kojom je u materijale za 33. sjednicu Općinskog vijeća Ilijaš predana radna verzija Prijedloga Odluke o izmjenama i dopunama Pravilnika o stipendiranju i nagrađivanju izuzetno nadarenih učenika i studenata. Greška je uočena prilikom razmatranja navedne tačke od strane Komisije za statut i propise OV-a Ilijaš. Prijedlog da se izmjeni član 2. Pravilnika o stipendiranju i nagrađivanju izuzetno nadarenih učenika i studenata ima za cilj podsticanje mladih ljudi da se opredijele za studiranje na tehničkim, biotehničkim i fakultetima iz grupacije medicinskih nauka za koje je ocijenjeno da mogu uticati na dalji ekonomski razvoj Općine Ilijaš. Prijedlog da se izmjeni i dopuni član 16. ima za cilj da se omogući nagrađivanje najboljih studenata drugog bolonjskog ciklusa, kao i dodjela nagrade za Srebrnu značku Univerziteta Sarajevo, jer smo u prethodnim godinama imali diplomante i magistrante sa područja Općine Ilijaš koji su bili dobitnici ovog priznanja, a nije bilo mogućnosti da ih Općina Ilijaš nagradi.

SANJA ZAGORAC-JOŽIĆ – pomoćnica načelnika za društvene djelatnosti

Dala je obrazloženje kako je već gore i navedeno. Navela je da je u članu 6. stav 3. predložili smo da umjesto 31.oktobar stoji 30.novembar. To je iz praktičnih razloga, što se ranije stipendiranje vezalo za školsku godinu, a posljednje dvije godine stipendiranje se vezuje za budžetsku godinu i stipendije se dodjeljuju od 01. januara do 30. septembra tekuće godine.

U članu 14. izbacili smo "u osmom razredu", jer osnovno obrazovanje traje devet godina –

znači na osnovu rezultata u učenju u devetom razredu. Bodovi za rezultate u učenju alineja 3. za učenike generacije u osnovnoj i srednjoj školi se briše, jer se već dvije godine ne biraju učenici generacije u osnovnim i srednjim školama. Također član 15. je izmjenjen, jer priznanje učenik generacije u srednjoj školi, zamjenjen je priznanjem za izuzetno postignute i ostvarene rezultate u toku srednjoškolskog školovanja i to dobija jedan učenik koji je imao prosje 5,0 i omogućili smo da općinski načelnik može nagraditi takvog učenika. Član 16. je već obrazložen.

DAMIR FILIPOVIĆ – predsjedavajući

Naglasio je da je u izvještaju Komisije za statut i propise napravljena tehnička greška gdje je kod Srebrene značke upisano 300,00 KM, a treba da stoji 150,00 KM.

NIJAZ MAŠIĆ – vijećnik SBB-a

Koliko će se stipendija dobiti, da li je taj broj umanjen? Ako je umanjeno, ja neću podržati. U nabrananju fakulteta, mislim da visoka zdravstvena škola ne spada u ovu grupu kako je navedeno.

SANJA ZAGORAC-JOZIĆ – pomoćnica načelnika za društvene djelatnosti

Stipendije se dodjeljuju za devet mjeseci i to se nije mjenjalo. Što se tiče grupacija fakulteta, one su skinute sa Pravilnika o naučnim zvanjima Univerziteta Sarajevo i Fakultet za zdravstvene studije spada u grupaciju medicinskih nauka.

Diskutanata po ovoj tački dnevnog reda više nije bilo, pa je OV-e jednoglasno donijelo

Odluku o izmjenama i dopunama Pravilnika o stipendiranju i nagrađivanju izuzetno nadarenih učenika i studenata

AD-6

Prijedlog Plana stipendiranja učenika u srednjem i studenata u visokoškolskom obrazovanju u stanju socijalne potrebe u školskoj 2015/2016. godini

SANJA ZAGORAC-JOZIĆ – pomoćnica načelnika za društvene djelatnosti

Shodno članu 3. Pravilnika o stipendiranju učenika i studenata u stanju socijalne potrebe, ("Službene novine Kantona Sarajevo", broj:36/09, 3/10 i 23/10), Općinsko vijeće Ilijaš, na prijedlog Općinskog načelnika, donosi Plan stipendiranja učenika i studenata za jednu školsku godinu.

Obzirom da su sva bitna pitanja regulisana Pravilnikom o stipendiranju učenika i studenata u stanju socijalne potrebe, izuzev broja učenika i studenata koji se stipendiraju, ovim Planom se daje prijedlog Općinskom vijeću da usvoji isti, kako bi se mogao raspisati konkurs za dodjelu stipendija učenicima i studentima u stanju socijalne potrebe, nakon čega bi Općinski načelnik izvršio izbor kandidata, na osnovu kriterija utvrđenih Pravilnikom o stipendiranju učenika i studenata u stanju socijalne potrebe, o čemu će Vijeće biti blagovremeno informisano. Broj učenika i studenata koji je dat u prijedlogu uzeo je u obzir trenutne mogućnosti Općine Ilijaš u obezbjeđenju neophodnih sredstava za redovno isplaćivanje stipendija tokom jedne školske godine. Planirano je stipendiranje 43 učenika i 26 studenata u stanju socijalne potrebe. Prijedlog raspodjele stipendija po godinama

školoovanja, utemeljen je na višegodišnjem iskustvu da najveći broj aplikanata prvog razreda srednje škole i prve godine studija ispunjava zahtijevane uslove.

Diskutanta po ovoj tački dnevnog reda više nije bilo, pa je OV-e jednoglasno donijelo

Plan stipendiranja učenika u srednjem i studenata u visokoškolskom obrazovanju u stanju socijalne potrebe u školskoj 2015/2016. godini

AD-7

Prijedlog Plana stipendiranja izuzetno nadarenih učenika u srednjem i studenata u visokoškolskom obrazovanju u školskoj 2015/2016. godini

Diskutanta po ovoj tački dnevnog reda nije bilo, pa je OV-e jednoglasno donijelo

Plan stipendiranja izuzetno nadarenih učenika u srednjem i studenata u visokoškolskom obrazovanju u školskoj 2015/2016. godini

AD-8

Prijedlog Odluke o:

- a) razrješenju člana Općinske izborne komisije Ilijaš – Velid Fazlić
- b) razrješenju člana Općinske izborne komisije Ilijaš – Momčilo Kojić

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o razrješenju člana Općinske izborne komisije Ilijaš – Velid Fazlić

i jednoglasno donijelo

Odluku o razrješenju člana Općinske izborne komisije Ilijaš – Momčilo Kojić

Uslijedila je pauza (10:45-10:55h) kako bi Komisija za izbor imenovanja održala sjednicu vezano za Prijedlog Odluke o raspisivanju javnog oglasa za imenovanje 2 (dva) člana Općinske izborne komisije Ilijaš.

AD-9

Prijedlog Odluke o raspisivanju javnog oglasa za imenovanje 2 (dva) člana Općinske izborne komisije Ilijaš

Diskutatanata po ovoj tački dnevnog reda nije bilo, pa je OV-e jednoglasno donijelo

Odluku o raspisivanju javnog oglasa za imenovanje 2 (dva) člana Općinske izborne komisije Ilijaš

AD-10

Prijedlog Odluke o davanju saglasnosti na Memorandum i Aneks Memoranduma o razumijevanju s ciljem podrške radu ustanova kulture od općeg značaja i interesa za Bosnu i Hercegovinu, za period 2016-2018. godina

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o davanju saglasnosti na Memorandum i Aneks Memoranduma o razumijevanju s

ciljem podrške radu ustanova kulture od općeg značaja i interesa za Bosnu i Hercegovinu,
za period 2016-2018. godina

AD-11

Prijedlog Odluke o izmjeni i dopuni Odluke o odbravanju i isplati sredstava na ime troškova prevoza djece sa posebnim potrebama

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o izmjeni i dopuni Odluke o odbravanju i isplati sredstava na ime troškova prevoza djece sa posebnim potrebama

AD-12

Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.1880/44 K.O. SP_Podgora)

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o neposrednoj pogodbi za prodaju neizgrađenog građevinskog zemljišta (k.č.br.1880/44 K.O. SP_Podgora)

AD-13

Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.228/65 K.O. SP_Podgora)

HAMIDA MURATOVIĆ – šef Odsjeka za imovinsko-pravne poslove

Pravni osnov za donošenje ove Odluke je član 363. stav 3. tačka 5. Zakona o stvarnim pravima F BiH ("Službene novine F BiH", br. 66/13 i 100/13) kojim je utvrđeno da prodaja odnosno opterećenje pravom građenja nekretnina u vlasništvu Federacije, Kantona i Jedinica lokalne samouprave samo izuzetno može se izvršiti neposrednom pogodbom radi oblikovanja građevinske čestice te da Općinsko vijeće na prijedlog Općinskog Načelnika o istom odlučuje. Općinski načelnik utvrdio je prijedlog Odluke na osnovu Regulacionog plana "Centar" u Ilijašu gdje građevinske parcele je jednim dijelom u vlasništvu Općine Ilijaš a drugim većim dijelom su u vlasništvu Dervišević Sidika iz Ilijaša. U cilju objedinjavanja i oblikovanja građevinske parcele Općinski Načelnik predlaže Općinskom vijeću prijedlog navedene Odluke na usvajanje. Naknada na ime neizgrađenog građevinskog zemljišta utvrđena je u skladu sa članom 363. tačke 2. Zakona o stvarnim pravima tj. na osnovu nalaza stalnog sudskog vještaka iz oblasti građevinske struke. Shodno gore navedenom Općinski Načelnik predlaže Općinskom vijeću da usvoji prijedlog Odluke.

ALAN ŠERAK – vijećnik SDP-a

Imamo različite metode kada je u pitanju prodaja neizgrađenog građevinskog zemljišta. Svjedoci smo da smo na Banovcu raspisivali javni poziv – nadogradnja postojećih objekata kada je kolega Handžić reagovao po pitanju nepoštivanja određenih stvari koje su bile utvrđene Regulacionim planom, ali o tom - po tom. Ono što me interesuje jeste na koji način ćemo prodajom ovog zemljišta kompenzirati uložena sredstva u betonsku nadstrešnicu. Drugi ljudi koji su u ovoj ulici su morali samofinansirati betonsku

nadstrešnicu više hiljada KM, pa čak i oni gdje smo mi za njih plaćali i nismo uspjeli završiti projekat do kraja, jer je tu trebao biti i video nadzor i ostalo. Bojim se da ćemo prodajom ovih 26 m2 ostati uskraćeni za 10.000 KM koje je Općina uložila u betoniranje jedne nadstrešnice. Na koji način sada mi kao neko ko je te pare investirao može doći do svojih sredstava. Molim odgovor.

HAMIDA MURATOVIĆ - šef Odsjeka za imovinsko-pravne poslove

Općina neće biti uskraćena za taj iznos, jer kroz postupak dodjele odobrenja za građenje kada se plaća renta plaća se i uređenje građevinskog zemljišta. Pošto je zemljište već uređeno biće obračunato i naplatit će se taj iznos i Općina neće biti uskraćena.

Diskutanata po ovoj tački dnevnog reda više nije bilo, pa je OV-e jednoglasno donijelo

Odluku o neposrednoj pogodbi za prodaju neizgrađenog građevinskog zemljišta
(k.č.br.228/65 K.O. SP_Podgora)

AD-14

Prijedlog Odluke o načinu i uslovima prodaje neizgrađenog građevinskog zemljišta
(k.č.br.217/2 i k.č.br.217/14 K.O. SP_Višnjica)

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o načinu i uslovima prodaje neizgrađenog građevinskog zemljišta (k.č.br.217/2 i
k.č.br.217/14 K.O. SP_Višnjica)

AD-15

Prijedlog rješenja o:

- a) razrješenju člana, a time i predsjednika Komisije za mlade i obrazovanje
- b) izboru člana, a time i predsjednika Komisije za mlade i obrazovanje
- c) razrješenju člana, a time i zamjenika predsjednika Etičke komisije
- d) izboru člana, a time i zamjenika predsjednika Etičke komisije

Diskutanata po ovoj tački dnevnog reda nije bilo, pa je OV-e jednoglasno donijelo

- a) Rješenje o razrješenju člana, a time i predsjednika Komisije za mlade i obrazovanje
- b) Rješenje o izboru člana, a time i predsjednika Komisije za mlade i obrazovanje
- c) Rješenje o razrješenju člana, a time i zamjenika predsjednika Etičke komisije i
- d) Rješenje o izboru člana, a time i zamjenika predsjednika Etičke komisije

AD-16

Prijedlog rješenja iz imovinsko-pravne oblasti:

- a) rješenje broj:06/1-31-1490/15
- b) rješenje broj:06/1-31-1618/15
- c) rješenje broj:06/1-31-4095/14
- d) rješenje broj:06/1-31-543/11
- e) rješenje broj:06/1-31-1619/15

Diskutanata po ovoj tački dnevnog reda nije bilo, pa je OV-e jednoglasno donijelo

- a) Rješenje broj:06/1-31-1490/15
- b) Rješenje broj:06/1-31-1618/15
- c) Rješenje broj:06/1-31-4095/14
- d) Rješenje broj:06/1-31-543/11 i
- e) Rješenje broj:06/1-31-1619/15

AD-17

Izvještaj o:

- a) radu Komisije za poslove mjesnih zajednica i saradnju sa drugim općinama i gradovima OV-a Ilijaš, vezan za obilazak Savjeta MZ-a Općine Ilijaš i
- b) radu Savjeta mjesnih zajednica Općine Ilijaš od preuzimanja mandata pa nadalje.

MEHMED SMAJLOVIĆ – predsjednik Komisije za poslove mjesnih zajednica i saradnju sa drugim općinama i gradovima

Ovakav izvještaj je trebao i ranije da se radi. Ne želim kritikovati nikoga, ali bez obzira što je ovo posljednja tačka mislim da je treba tretirati kroz Općinsko vijeće i kroz organ uprave. Komisija je konstatovala stanje obilaska 14 Mjesnih zajednica i predložila određene mjere sa prioritetima. Treba stvarati uslove za funkcionisanje Savjeta mjesnih zajednica, a ono što možemo uraditi već na slijedećoj sjednici OV-a jeste da se ponudi izmjena i dopuna Odluke o dodjeli mandata (članovi savjeta koji su odselili, preselili, umrli, iskazali da neće raditi), a za slijedeću budžetsku godinu možemo planirati sredstva vezano za nabavku odgovarajuće opreme za normalan rad i funkcionisanje Savjeta Mjesnih zajednica (djelovodnici, pečati, sveske, itd.). Kroz ostale stvari koje se budu dešavale mi ćemo u kontinuitetu raditi. Želim pomiriti određene odnose koji vladaju među nama da nema više animoziteta između predsjednika Savjeta Mjesnih zajednica i pomoćnika načelnika, da li će načelnik primiti predsjednike Savjeta Mjesnih zajednica, da li će se odgovoriti na određene akte itd. Jednostavno, to ćemo definisati kroz određene prijedloge ili zaključke da li će to biti određeni pravilnik ili sporazum, ali ovdje do sada imamo situaciju da niko nikome nije odgovora, da niko nikome nije nadležan, a sve to je propisano kroz Statut općine, odnosno Poslovnik OV-a. Ako ima potrebe da se vrše izmjene i dopuna Statuta ili Poslovnika, tu smo. Segment mjesne samouprave treba podizati na veći nivo. Iz prakse vidimo da smo na udaru, imamo materijalne i ne materijalne štete, mi ne možemo biti izdvojeni. Vijećnici i pomoćnici koji žive u MZ Ilijaš Grad trebaju pomoći predsjedniku MZ Ilijaš Grad, treba pomoći predsjedniku u Kamenici, u Luci.

U izvještaju su predložene i mjere i ne bih išao u analizu pojedinačnih izvještaja Mjesnih zajednica. Molio bih da u budućnosti ova, a i ostale komisije ne budu formalno-pravno na papiru nego da se koriste da olakšaju načelniku i Općinskom vijeću određene stvari kada je u pitanju realizacija budžeta, operativnih planova i zahtjeva građana koji traže svoja prava.

Sjednicu dalje vodi zamjenik predsjedavajućeg Mahir Dević.

MUHAMED HANDŽIĆ – vijećnik BPS-Sefer Halilović

Slušao sam gospodina Mehmeda Smajlovića i izvukao sam određene pouke i zaključke iz njegove diskusije. Ovdje imam dva izvještaja gospodina Smajlovića sa dva obilaska ove Komisije za MZ-e. Jedan je izvještaj od prije otprilike dvije godine i jedan koji je sastavljen

pred ovu sjednicu OV-a. Iz izvještaja se vidi da ste vi bili prisutni u svim MZ-a, da ste pokupali pružiti određenu pomoć i da ste na neki način vršili određenu kontrolu, ali niste dali konkretne prijedloge za poboljšanje rada Savjeta određenih Mjesnih zajednica. Ja ovdje imam primjerak Statuta Mjesnih zajednica koji je uradila Služba za opću upravu i mjesnu samoupravu koji je dostavljen Savjetima kao ogledni primjerak da ga usvoje, ali niste nam kazali da li su svi Savjeti usvojili ovaj Statut, niste nam kazali da li su svi Savjeti formirali podružnice, nadzorne odbore i da li svi Savjeti održavaju redovne sastanke kako je predviđeno Statutom. Dakle, nemamo te informacije u vašem izvještaju, a bilo bi poželjno da ih imamo. Na kraju, niste predložili prijedloge mjera.

Mislim da se mora dati do znanja predsjedniku Savjeta da je on predstavnik građana. Da li oni to rade i obavljaju dužnost i evo neki su prisutni i pokazali su svoju ozbiljnost, a ovi koji nisu tu, pokazali su svoju neozbiljnost. Šta sada Vijeće treba uraditi? Vijeće ima pravo da raspusti Savjet Mjesne zajednice. Trebamo imati konkretna prijedlog komisije i da raspustimo Savjet Mjesne zajednice koji ne funkcionišu kako treba. Neki od predsjednika Savjeta MZ-a od dokumentacije imaju samo bankovne kartice kako bi mogli naplatiti paušal i to je istina. Još jednom, molim gospodine Smajloviću da se napravi standardizacija vođenja dokumentacije u Mjesnim zajednicama.

MAHIR DEVIĆ – zamjenik predsjedavajućeg

Zamolio bih vas da ne mijenjamo teze, koji je posao Komisije za poslove sa mjesnim zajednicama, koji je posao Službe, odnosno koordinatora za poslove sa mjesnim zajednicama. Mislim da ne razumijemo procedure ko šta treba raditi. Ne može komisija Općinskog vijeća standardizirati dokumente, jer to treba da radi nadležna služba i koordinatorska.

Takođe, možda nismo dobro koncipirali ovu tačku dnevnog reda, jer ovo je možda trebalo da bude informacija o radu Komisije i Savjeta Mjesnih zajednica i da usvojimo određene zaključke, a ne izvještaj.

Ovu oblast treba urediti i slažem se sa diskusijom kolege Handžića.

NIJAZ RASTODER – vijećnik LDS-a

Što se tiče ove tačke dnevnog reda, dobro je kolega Dević rekao, jer smo došli u jednu konfuziju da li je ovo izvještaj ili informacija. Ja mislim da bi diskusije trebale ići u pravcu da se ovim ljudima pomogne, jer su oni izloženi raznim frustracijama i negodovanjima građana. Interesuje me da li je tolika šparnja u ovoj Općini da oni ne mogu dobiti materijale za sjednicu Vijeća? Predlažem da, kao Vijeće, sugerišemo načelniku da ima obavezan sastanak mjesečno sa predsjednicima Savjeta Mjesnih zajednica.

MUHAMED HANDŽIĆ (replika) – vijećnik BPS-Sefer Halilović

Ne čudi mi diskusija prethodnog kolege. Ne treba braniti predsjednike Savjeta Mjesnih zajednica onih koji rade. Ovdje je prisutno sedam predsjednika Savjeta, a gdje je onih drugih sedam. Kažete da im treba pomoći, pa šta to treba još uraditi za njih? Ne možete gospodine Rastoder pričati da treba pomoći npr. predsjedniku Savjeta koji danas nije prisutan tu i koji provodi anarhiju. Takve Savjete treba raspustiti.

NIJAZ RASTODER (replika) – vijećnik LDS-a

Da li si ti kolega Handžiću siguran da ti ljudi sada nisu na terenu i rade za svoju Mjesnu

zajednicu. Evo predsjednik savjeta MZ Ilijaš Grad je trenutno na terenu i vodi ljudi koji postavljaju sijalice za rasvjetu.

MUHAMED HANDŽIĆ (replika) – vijećnik BPS-Sefer Halilović

Nisam pominjao nikoga po imenu i prezimenu. Ako nije mogao doći predsjednik savjeta Mjesne zajednice, mogao je doći njegov zamjenik.

ADEM EFENDIĆ – vijećnik SBB-a

Čestitam predsjednicima i predsjedniku Komisije na iscrpnim izvještajima. Neka ova tačka ostane kao izvještaj, a mi možemo donijeti određene zaključke. Zamolio bih Službe da uvažavaju radna tijela u Mjesnim zajednicama. Dobio sam informaciju da se, konkretno u MZ Kamenici, ne uvažava građevinska Komisija kada je u pitanju infrastruktura, nego se traži vijećnik sa tog područja. Predložio bih Komisiji da ubuduće kada budu obilazili Savjete da se to vrši npr. na dvije lokacije, jer su troškovi veliki ako se obilaze sve Mjesne zajednice. Izdvojiti ću neke probleme koji su navedeni u izvještajima. Pored naziva naseljenih mjesta nemamo table sa nazivima ulica u urbanom dijelu, a nemamo ni numerisane brojeve, pa se poštari teško snalaze. Zamolio bih da se ova primjedba uvaži. Svi trebamo raditi na poboljšanju rada Savjeta Mjesnih zajednica. Zahvaljujem se i koordinatoru za poslove mjesnih zajednica, ali da povede računa koji to predsjednici rade samoinicijativno, ali to su stranački poslušnici koji poslove završavaju mimo savjete. To ubuduće ne bi trebalo biti tako.

SELVER HERIĆ – vijećnik SDP-a

Kolega Rastoder trebali ste se javiti kada je bila rasprava o Vodostanu, jer je nezgodno govoriti o čovjeku koji je u penziji. Sve što sam rekao stoji i ništa niste bolji od njega i imate puno mana.

Želim opravdati izostanak predsjednika savjeta MZ Srednje koji je imao malu nezgodu i spriječen je da dođe. Mi u Srednjem smo zadovoljni sa radom Savjeta.

NIJAZ RASTODER (replika) – vijećnik LDS-a

Kolega Selver Herić ne zna šta govori. Ja ovdje nisam spominjao Vodostan niti direktora. Sve što sam rekao je istina. Već dugo godina ovdje obmanjuješ sve.

MIDHAT ČEHO – koordinatorski savjetnik za poslove sa mjesnim zajednicama

Imam običaj da opravdam ne prisustvo predsjednika Mjesnih zajednica, ali stoji primjedba da su mogli doći zamjenici predsjednika Savjeta mjesnih zajednica. U izvještaju Komisije je navedeno kako predsjednici Savjeta imaju problema u komunikaciji sa određenim profilima ljudi koji su često na poziciji namještenika i to im strašno smeta i taj se odnos mora popraviti. Svi smo zajedno odgovorni za razvoj naše zajednice.

Rad savjeta može biti bolji. Niti jedan zahtjev predsjednika Savjeta Mjesne zajednice ne može biti bez pratećeg akta koji se zove odluka Savjeta Mjesne zajednice. Znači, to mora biti zajednička potreba tog kolektivnog organa.

Većina Savjeta Mjesnih zajednica nema elementarne uslove za rad. Znači, oni moraju imeti prostorije koje se zagrijevaju. Kada je u pitanju novčana naknada, mislim da treba da bude veća, kao i da članovi Savjeta trebaju imati određenu novčanu naknadu.

Kada je u pitanju zbor građana, on je najviši organ u jednoj Mjesnoj zajednici i na tom zboru bi se trebali usvajati najvažniji akti, kao i druge interesantne aktivnosti za razvoj te zajednice. Zborovi građana su uslovljeni radom podružnica. Savjeti moraju podnositi izvještaj o svom radu zboru građana.

Kada se prave izvještaji ljudi ne trebaju biti lični, a vidjeli ste i pročitali sve izvještaje Savjeta Mjesnih zajednica. Kada je u pitanju ova Općina sa četrnaest Mjesnih zajednica, mislim da se treba razmišljati o unapređenju mjesne samouprave na način da se ozbiljno razmišlja o jednoj funkcionalnoj organizaciji mjesnih zajednica uvažavajući demokratske principe, geografske i dr. Treba omogućiti Komisiji da napravi jedan takav prijedlog i to je možda naredni korak za unapređenje ove oblasti koja se zove mjesna samouprava. Želim da u nastavku sjednice date doprinos da se ova oblast još više unaprijedi i da budemo partneri u razvoju naše općine.

SELVER HERIĆ – vijećnik SDP-a

Moram reći da se zamaramo nepotrebno i mislim da današnja sjednica nije trebala imati ovu tačku dnevnog reda. Neke stvari je trebalo riješiti na fonu načelnik-mjesne zajednice. Sramota je da dvadeset godina ponavljamo da Savjeti Mjesnih zajednica nemaju elementarnih uslove za rad, a sada bi da tražimo da nešto više rade. Ja odajem priznanje svim mjesnih zajednicama, očito je da nema problema i da ljudi rade, da se građani ne žale masovnim dolaskom pred Općinu.

Kada je u pitanju novčana naknada, mislim da u nekim mjesnim zajednicam paušal ne može biti za gorivo. Mislim da se nepotrebno svi maltretiramo i ja im odajem priznanje u dosadašnjem radu, ovako i nastavite, jer uopće nemate potporu za osnovne elementarne uslove za rad od strane Općine.

MUHAMED HANDŽIĆ – vijećnik BPS-Sefer Halilović

Kolega Selvere, da ne bi bilo nesporazuma, moja MZ-a je jedna od rijetkih koja funkcioniše, ali ja govorim generalno po ovim izvještajima i vidio sam šta se sve dešava. Vidim neozbiljnost drugih koji nisu za shodno našli da danas pošalju svoje zamjenike na sjednicu.

ALEN MATORUGA – predsjednik Savjeta MZ Misoča

Što se tiče rada MZ Misoča fokus se dao na određene probleme. Što se tiče uslova rada, predsjednici uglavnom vode zapisnik. Molim uvažene političare da u svojim mjesnim ograncima svoje partije da se ne mješaju u rad Savjeta Mjesne zajednice, jer mogu legalno doći na zbor građana i iznijeti odgovarajuće probleme. Znači, da se ne praskače Savjet Mjesne zajednice kada su u pitanju zahtjevi prema Općini. Na dosadašnjim sjednicama OV-a prisustvovali su predsjednici Savjeta MZ Misoča, Malešići, Podlugovi, Ljubina i Mrakovo i molim da se njima šalju materijale za sjednice OV-a, a da se ne šalju onima koji nisu prisustvali sjednica OV-a.

Predlažem da se organizuje kurs za rad na računaru za pojedine predsjednike Savjeta Mjesnih zajednica, jer ne znaju raditi na računaru.

MIRSAD HAMZIĆ – predsjednik Savjeta MZ Malešići

Trebalo bi formulisati određene zaključke za sve Mjesne zajednice. Prvo, svi bi trebali imati jednake elementarne uslove za rad. Kada su u pitanju paušali, slažem se sa kolegom

Selverom, jer nije isto doći iz Crne Rijeke i Dragorada i meni iz Malešića. Zamolio bih sve da daju svoj doprinos za izbor predsjednika Savjeta Mjesne zajednice, jer nisu postojali nikakvi kriteriji. Smatram da treba pomoći Savjetima gdje su izuzetno teški uslovi za rad.

ALMIR ŠPIODIĆ – predsjednik Savjeta MZ Podlugovi

Ono što sam želio reći, već su rekli prethodne kolege, jer skoro svi imamo iste probleme. Tek sada sam vidio izvještaj Komisije u kojem je navedeno da u MZ Podlugovi nije bilo istaknuto radno vrijeme, ali želim reći da je bilo. Naglašavam da sam uputio cca 30 zahtjeva, a dobio sam tri odgovora od službe i smatram da je to ne ozbiljno.

ELMIN BRKIĆ – predsjednik Savjeta MZ Luka

Svi znamo koje ja probleme imam u radu Savjeta (nemam struje već četiri godine, dopise šaljem, a niti jedan odgovor nisam dobio od službi). Imam problema i oko konstituiranja podružnica, svi su bili kandidati za predsjednika Savjeta i onda se pojavi rivalitet i onda vrše opstrukcije rada Savjeta. Što se tiče Bioče, Služba je odgovorila da je po zakonu savjet postupao. Ubuduće bih zamolio pomoćnike načelnika da odgovaraju na zahtjev Savjeta Mjesnih zajednica.

MEHO TABAKOVIĆ – predsjednik Savjeta MZ Ljubina

Izvještaje ste dobili i zahvalio bih vijećnicima koji podržavaju moj rad i prihvataju moje inicijative i proslijeđuju na Vijeću. Zamolio bih načelnika i Službe da imaju više komunikacije sa predsjednicima Savjeta Mjesnih zajednica.

ARMIN MATORUGA – predsjednik Savjeta MZ Stari Ilijaš

Što se tiče savjeta MZ Stari Ilijaš ja sam zadovoljan radom članova Savjeta, redovno održavamo sastanke. Kada su u pitanju problemi, najveći problem su nam bile prostorije, računar, printer i to je jedan veliki problem za članove Savjeta, pa onda i za građane. Pored toga veliki problem jeste ne adekvatno obavještavanje građana. Konstantno se javlja problem da građani dođu u Savjet i ne znaju kome treba da se obrate i šta treba da rade, jer ih često iz Općine upućuju na Mjesnu zajednicu, a to nije naša nadležnost.

MEHMED SMAJLOVIĆ – predsjednik Savjeta MZ Mrakovo

Kao predsjednik Komisije sam puno toga rekao. MZ Mrakovo uspostavlja standarde kako ubuduće treba da rade Savjeti i kako da budu organizovani kroz infrastrukturu i kroz korespondenciju. Imamo problema oko ćutanja aministracije, problema sa naknadama, ali ja se zalažem za prioritena rješenja. Problem je sačuvati infrastrukturu i kontinuitet nastaviti. Predlažem da u budućem planiranju budžeta treba vidjeti koje su to Mjesne zajednice i Savjeti da ih infrastrukturno rješavamo i tu MZ Mrakovo nema problema.

Što se tiče Muhameda Handžića, u ovom novom izvještaju koji je potpisan predložene su i mjere i mislim da je ovo realno.

ADEM EFENDIĆ – vijećnik SBB-a

I mene kao vijećnika građani pozivaju kada imaju određene probleme i nije mi teško pokušati pomoći u rješavanju tih problema.

MAHIR DEVIĆ – zamjenik predsjedavajućeg

Predložit ću jedan zaključak kojim se zadužuje koordinator za poslove sa mjesnim zajednicama Općine Ilijaš, da zajedno sa Komisijom za poslove mjesnih zajednica i saradnju sa drugim općinama i gradovima Općinskog vijeća Ilijaš i predsjednicima Savjeta mjesnih zajednica Općine Ilijaš u roku od 60 (šezdeset) dana predlože Općinskom vijeću Ilijaš konkretan prijedlog mjera za poboljšanje rada Savjeta Mjesnih zajednica Općine Ilijaš.

Diskutanta po ovoj tački dnevnog reda više nije bilo, pa je OV-e sa 21 glasom ZA i 1 UZDRŽANIM usvojilo

Izveštaj o:

- a) radu Komisije za poslove mjesnih zajednica i saradnju sa drugim općinama i gradovima OV-a Ilijaš, vezan za obilazak Savjeta MZ-a Općine Ilijaš i
- b) radu Savjeta mjesnih zajednica Općine Ilijaš od preuzimanja mandata pa nadalje.

i donijelo

ZAKLJUČAK

Zadužuje se koordinator za poslove sa mjesnim zajednicama Općine Ilijaš, da zajedno sa Komisijom za poslove mjesnih zajednica i saradnju sa drugim općinama i gradovima Općinskog vijeća Ilijaš i predsjednicima Savjeta mjesnih zajednica Općine Ilijaš u roku od 60 (šezdeset) dana predlože Općinskom vijeću Ilijaš konkretan prijedlog mjera za poboljšanje rada Savjeta Mjesnih zajednica Općine Ilijaš.

Zatim je zamjenik predsjedavajućeg OV-a Ilijaš Mahir Dević zaključio 33. sjednicu OV-a u 13:00h.

Zapisničar:
Maida Habibović

PREDSJEDAVAJUĆI
OPĆINSKOG VIJEĆA ILIJAŠ

Damir Filipović, dipl.pravnik

Ul. 126. ilijaške brigade br. 6, 71380 Ilijaš
Tel. ++387 33 580-620, 580-698, fax. 400-505,
Transakcijski račun kod VAKUFSKE BANKE,d.d. Sarajevo:1602000000710645
e-mail ov@ilijas.ba
Broj certifikata:20938

